


UNIVERZITET U SARAJEVU

INSTITUT ZA HISTORIJU

KOMISIJA ZA IZBOR U ISTRAŽIVAČKO ZVANJE

PREDMET: IZVJEŠTAJ KOMISIJE O IZBORU U ISTRAŽIVAČKO ZVANJE



VIJEĆU INSTITUTA ZA HISTORIJU
UNIVERZITETA U SARAJEVU

Na osnovu Zakona o naučnoistraživačkoj djelatnosti („Službene novine Kantona Sarajevo”, broj 26/16) i Odluke Vijeća Instituta za historiju broj: 01-01- 747/21 od 7. 10. 2021. godine i saglasnosti Senata Univerziteta u Sarajevu, broj 01-17- 69/21 od 27. 10. 2021. godine, raspisan je konkurs za izbor u istraživačko zvanje viši stručni saradnik za oblast moderne historije - jedan izvršilac u Institutu za historiju Univerziteta u Sarajevu.

Na osnovu člana 29. Zakona o naučnoistraživačkoj djelatnosti („Službene novine Kantona Sarajevo“ broj 16/06), i člana 106 Statuta Univerziteta u Sarajevu, Vijeće Instituta za historiju je na 17. redovnoj sjednici održanoj dana 10. 03. 2022. godine donijelo Odluku o imenovanju **Komisije za izbor u istraživačko zvanje viši stručni saradnik** za oblast moderne historije – jedan izvršilac.

Komisija je imenovana u sljedećem sastavu:

1. dr. Zijad Šehić, redovni profesor na Filozofskom fakultetu Univerziteta u Sarajevu, predsjednik
2. dr. Hana Younis, viši naučni saradnik Instituta za historiju, član
3. dr. Sanja Gladanac - Petrović, naučni saradnik Instituta za historiju, član.

Odlukom koja je dostavljena članovima Komisije aktom Instituta za historiju broj 01-01-272/22 od 10. 03. 2022. godine, Komisiji je stavljeno u zadatak da, u skladu sa članom 29 Zakona o naučnoistraživačkoj djelatnosti Kantona Sarajevo („Službene novine Kantona Sarajevo“ broj 26/16), provede konkursnu proceduru izbora prema uslovima utvrđenim Zakonom i Pravilima, razmotri pristigle prijave na Konkurs, sačini izvještaj sa prijedlogom za izbor u istraživačko zvanje i dostavi ga Vijeću Instituta.

Komisija je primila POTVRDU broj 03-01-257/22 od 04.03.2022. godine koju je potpisala dipl. iur. Fatima Išerić, sekretar Instituta za historiju UNSA, kojom obavještava Komisiju da su se na konkurs objavljen dana 10.02. 2022. godine u dnevnom listu „Dnevni avaz“ na poziciju br. 1 (jedan kandidat) prijavila 4 kandidata:

1. Omer Merzić, MA
2. Fadil Hadžiabdić, MA
3. Mehmed Hodžić, MA
4. Nedim Pustahija, MA

U navedenoj POTVRDI sekretar Instituta za historiju UNSA Fatima Išerić konstatuje da su Prijave potpune i usklađene sa uvjetima utvrđenim konkursom.

Nakon što je pregledala dokumentaciju i analizirala radove kandidata, Komisija Vijeću Instituta za historiju Univerziteta u Sarajevu podnosi sljedeći

IZVJEŠTAJ

Na osnovu konkursa objavljenog u dnevnom listu “Dnevni avaz”, dana 10. 02. 2022. godine i na web stranici Instituta za historiju za izbor u istraživačko zvanje viši stručni saradnik za oblast moderne historije u Institutu za historiju Univerziteta u Sarajevu, prijavili su se sljedeći kandidati:

1. Omer Merzić, MA
2. Fadil Hadžiabdić, MA
3. Mehmed Hodžić, MA
4. Nedim Pustahija, MA

Uz prijavu na Konkurs kandidati su trebali dostaviti svu potrebnu dokumentaciju (Svojeručno potpisana prijava na konkurs; Izvod iz matične knjige rođenih, original ili ovjereni kopija, ne stariji od 6 mjeseci; Uvjerenje o državljanstvu, original ili ovjereni kopija, ne starije od

6 mjeseci; Diplomu o završenoj visokoj stručnoj spremi sa dodatkom diplomi/ dokaz o prosjeku ocjena, original ili ovjerena kopija; Diploma o naučnom stepenu magistra ili diploma o završenom II ciklusu studija sa dodatkom diplomi/ dokaz o prosjeku ocjena, original ili ovjerena kopija; Prijevod gore navedene/ih diplome/a, original ili ovjerena/e kopija/e ukoliko je/su izdata/e van BiH; ukoliko nije na jednom od tri službena jezika Bosne i Hercegovine; Rješenje o nostrifikaciji gore navedene/ih diplome/e, original ili ovjerena kopija; Biografija (CV) i spisak objavljenih naučnih/stručnih radova iz oblasti za koju se vrši izbor).

Kandidat Omer Merzić MA dostavio je: Svojeručno potpisanu prijavu na konkurs; Izvod iz matične knjige rođenih-original; Uvjerenje o državljanstvu- original; Diplomu o završenoj visokoj stručnoj spremi sa dodatkom diplomi/ dokaz o prosjeku ocjena-ovjerena kopija; Diplomu o naučnom stepenu magistra- kopija; Prijevod navedene diplome- ovjerena kopija; Rješenje o nostrifikaciji navedene diplome- ovjerena kopija; Biografija (CV) sa spiskom svih objavljenih naučnih/stručnih radova bez obzira na oblast na koju se odnose.

Omer Merzić MA, na Odsjeku za historiju Filozofskog fakulteta u Sarajevu stekao je diplomu bachelor, 2019. godine sa prosjekom ocjena 8,17. Tema dodiplomskog rada „Posjete austro-ugarskih prestolonasljednika Bosni i Hercegovini“. Drugi ciklus studija završio je na Goldsmiths College, University of London završivši magisterij iz društveno-humanističkih nauka sa prosjekom ocjena 62% (ekvivalent ocjena između 8 i 9). Tema master teze je „British view on Yugoslav dissident“. Kandidat je naveo da je 2020. g upisao doktorski studij na Institute for Historical Research na University of London. Do sada je iz različitih historijskih oblasti objavio 6 stručnih radova i 7 prikaza, (radovi: „Povodom 50 broja: bibliometrijska analiza časopisa Prilozi Instituta za historiju (br.1-49)“ u: Prilozi br. 50, Sarajevo 2022; „Hanibal Ante portas“ u: „Zbornik radova Društva studenata povijesti Ivan Lučić-Lucius“, br. 23, Zagreb, 2021; „The modernization of higher education in Bosnia and Herzegovina in wake of the Covid-19 pandemic“, u: Radovi za konferenciju „Forum Bosne“, Sarajevo, 2020; „Nizozemska istočnoindijska kompanija“, u: „Pleter“, Časopis udruge studenata povijesti, br. 4, Split, 2020; „Kultura sjećanja i stope Gavrila Principa u Sarajevu“, u: Zbornik radova „Prvi svjetski rat 1914 -1918“, Savez studenata Banja Luka, Banja Luka, 2019; „Rasizam u Njemačkoj između dva svjetska rata“, u Essehist. Časopis studenata povijesti i drugih društveno-humanističkih znanosti, br. 10, Osijek, 2019). Kandidat

Merzić je također učestvovao na više seminara i konferencija. Poznaje engleski jezik tečno te ima početno znanje njemačkog jezika.

Komisija je utvrdila da Kandidat ispunjava sve formalne uslove predviđene Konkursom za prijem u zvanje viši stručni saradnik za oblast moderne historije.

Kandidat Fadil Hadžiabdić MA dostavio je: Svojenučno potpisana prijava na konkurs; Izvod iz matične knjige rođenih-original; Uvjerenje o državljanstvu-original; Diplomu o završenoj visokoj stručnoj spremi sa dodatkom diplomi/dokaz o prosjeku ocjena-ovjerena kopija; Diploma o naučnom stepenu magistra sa dodatkom diplomii/dokaz o prosjeku ocjena- ovjerena kopija; Potvrdu o nagradi Srebrna značka na prvom i drugom ciklusu-kopije ovjerene; Biografija (CV) sa spiskom svih objavljenih naučnih/stručnih radova bez obzira na oblast za koju se vrši izbor; Također je dostavio: Potvrdu o nagradi BATHINVS „prof.dr.Esad Pašalić“ u 2019. i 2020. godini za prikaz stručne publikacije iz oblasti antičke arheologije i historije Starog vijeka osvojeno treće mjesto-kopije ovjerene; Potvrde o angažmanu demonstratora na Odsjeku za historiju za školske godine 2018/2019 i 2019/2020. godine-ovjerene kopije; Certifikate o učešću na seminarima-ovjerene kopije kao i kopije objavljenih radova i prikaza.

Fadil Hadžiabdić, MA, Prvi ciklus studija na Odsjeku za historiju Filozofskog fakulteta u Sarajevu okončao je u septembru 2018. godine sa prosječnom ocjenom 9,22. U akademskoj 2018/2019. godini na Odsjeku za historiju upisao je drugi ciklus studija na kojem je 15. 9. 2020. godine uspješno odbranio završni magistarski rad na temu “Marcelin i Julije Nepot, doba samostalne provincije Dalmacije” i time uspješno okončao drugi ciklus studija sa prosječnom ocjenom 9,54. Dobitnik je „Srebrene značke“ Univerziteta u Sarajevu za uspjeh na prvom i drugom ciklusu studija, a također je dva puta dobio nagradu ”prof. dr. Esad Pašalić”, koju dodjeljuje “Udruženje za proučavanje i promovisanje ilirskog naslijeđa i drevnih i klasičnih civilizacija BATHINVS”. Kandidat Fadil Hadžiabdić je do sada objavio u koautorstvu jednu knjigu i tri članka koji nisu iz oblasti za koju se vrši izbor u zvanje. Knjiga: (Fontes- Izvori za historiju rimskog svijeta, BATHINVS, Sarajevo, 2021. Članci: “Drugi u Gorskom vijencu”, “Pleter”, “Časopis Udruge studenata povijesti Toma Arliđakon” ISHA-e, Split, Broj 3, godina III, Split 2019, 195-207; Osvrt na problem postojanja dalmatinske flote u vrijeme Marcelina i Julije Nepota – Radovi Zavičajnog muzeja u Visokom, knjiga 1, br. 1, Visoko, 2020, 21-36., 217-229.; “Odnos centra i periferije na primjeru provincije Dalmacije od 454. do 480. godine”: “Acta Illyrica”, godina V,

broj V. "Udruženje za proučavanje ilirskog naslijeđa i drevnih i klasičnih civilizacija BAHTINVS", 2021. Kandidat je objavio i tri prikaza iz oblasti koja nije Moderna historija, učestvovao je na nekoliko konferencija, seminara i radionica.

Komisija je utvrdila da Kandidat ispunjava sve formalne uslove predviđene Konkursom za prijem u zvanje viši stručni saradnik za oblast moderne historije.

Kandidat Mehmed Hodžić, MA, dostavio je sljedeću dokumentaciju: Svojeručno potpisanu prijavu na konkurs; Izvod iz matične knjige rođenih-original; Uvjerenje o državljanstvu-original; Diplomu o završenoj visokoj stručnoj spremi sa dodatkom diplomi/ dokaz o prosjeku ocjena-ovjerena kopija; Diploma o naučnom stepenu magistra sa dodatkom diplomi/dokaz o prosjeku ocjena- ovjerena kopija; Potvrdu o nagradi Srebrna značka na prvom ciklusu studija - kopija ovjerena; Biografija (Cv): Spisak objavljenih naučnih/stručnih radova iz oblasti za koju se vrši izbor; Također je dostavio: Uvjerenje da je Hodžić Ahmed (otac Mehmeda Hodžića) bio pripadnik ARBIH u periodu od aprila 1992. godine do aprila 1996. godine; Kopije objavljenih radova i originalna knjiga.

Mehmed Hodžić, MA, na Odsjeku za historiju Filozofskog fakulteta u Sarajevu stekao je diplomu bachelor historije 2017. godine, sa prosjekom ocjena 9,19, za šta je dobio i „Srebrnu značku“ UNSA. Drugi ciklus studija na Odsjeku za historiju Filozofskog fakulteta u Sarajevu je završio 2020. godine odbranivši magistarski rad pod naslovom "Politička i društvena djelatnost Šerif efendije Arnautovića". Studij je završio sa prosječnom ocjenom 9,38.

U Institutu za historiju Univerziteta u Sarajevu zaposlen je od maja 2018. godine u zvanju stručni saradnik za oblast moderne historije. Od 2020. godine je upisao doktorski studij na Odsjeku za historiju na Filozofskom fakultetu u Sarajevu, smjer *Historija Bosne i Hercegovine u 19. i 20. stoljeću*. Trenutno je na četvrtom semestru doktorskog studija. Težište naučnog rada kandidata Mehmeda Hodžića je bosanskohercegovačka historija u austrougarskom periodu, s posebnim osvrtom na društvenu historiju i historiju svakodnevnog života. Nosilac je naučno istraživačkog projekta „Političko i društveno djelovanje Šerif efendije Arnautovića“, koji se realizuje u okviru djelatnosti Instituta za historiju Univerziteta u Sarajevu za period od 2018. do avgusta 2023. godine. Bio je član tima naučno-istraživačkog projekta „Ekonomski život u Sarajevu u drugoj polovini 19. stoljeća“, koji je realiziran 2018. godine. U okviru publicističke djelatnosti matične institucije Instituta za historiju Univerziteta u Sarajevu imenovan je na poziciju sekretara

Redakcije časopisa *Historical Searches/ Historijska traganja*, za brojeve iz 2019, 2020, 2021. godine te tekućeg broja za 2022. godinu. Također je bio tehnička pomoć redakcije Zbornik radova „Prijelomne godine bosanskohercegovačke prošlosti“.

Iz dostavljene monografije te separata i kopija radova i prikaza jasno se vidi da je kandidat Hodžić u svojim istraživanjima prvenstveno orijentisan na izučavanje muslimanske vjerske i intelektualne elite na prijelomu 19. i 20. stoljeća te historiju svakodnevnice. Jedan je od osnivača i članova sarajevske asocijacije studenata historije ISHA. Učesnik je sedam međunarodnih naučnih konferencija, skupova i seminara. U svojim istraživanjima pored bosanskog jezika kandidat Mehmed Hodžić koristi engleski i njemački jezik te raspolaže poznavanjem arapskog pisma. Među nagradama i priznanjima koje je dobio ističe se priznanje „Srebrena značka“ Rektorata Univerziteta u Sarajevu. Kandidat je do sada objavio jednu koautorsku knjigu, tri naučna članka i šest prikaza, sve iz oblasti za koju se vrši izbor u zvanje.

Knjiga: Bibliografija radova o Islamskoj zajednici u Bosni i Hercegovini – austrougarski period, Gazi Husrev-begova biblioteka – Institut za islamsku tradiciju Bošnjaka, Sarajevo, 2021.

Naučni članci: Povodom 140 godina od pogubljenja šejha Muhameda ef. Hadžijamakovića i hafiza Abdulaha ef. Kaukčije, u: Godišnjak BZK “Preporod”, god. XVIII, Sarajevo, 2018, 385-393; Prijelomna 1878. godina na stranicama Priloga Instituta za historiju, u: “Prijelomne godine bosanskohercegovačke prošlosti” I, Univerzitet u Sarajevu – Institut za historiju, Sarajevo 2021, 329-336.; Vakufsko sirotište u Sarajevu od osnivanja do kraja Prvog svjetskog rata, u: *Prilozi*, Broj 50, Univerzitet u Sarajevu, Institut za historiju, Sarajevo, 2021, 101-137.). Kandidat Hodžić je također objavio šest prikaza knjiga u naučnim časopisima. Do sada je učestvovao na više međunarodnih naučnih konferencija, skupova i seminara sa referatima iz oblasti za koju se vrši izbor.

Komisija je utvrdila da Kandidat ispunjava sve formalne uslove predviđene Konkursom za prijem u zvanje viši stručni saradnik za oblast moderne historije.

Kandidat Nedim Pustahija, MA, kandidat je dostavio sljedeću dokumentaciju: Svojeručno pisana i potpisana prijava na konkurs; Izvod iz matične knjige rođenih-ovjerena kopija; Uvjerenje o državljanstvu-ovjerena kopija; Diplomu o završenoj visokoj stručnoj spremi sa dodatkom diplomi/dokaz o prosjeku ocjena-ovjerena kopija; Diploma o naučnom stepenu magistra/

dokaz o prosjeku ocjena-ovjereni kopija; Biografija (CV); Spisak objavljenih naučnih/stručnih radova iz oblasti za koju se vrši izbor; Potvrde o nagradi Srebrna značka na prvom i drugom ciklusu-kopije ovjerene.

Kandidat Nedim Pustaija MA, Prvi ciklus studija na Odsjeku za historiju Filozofskog fakulteta Univerziteta u Sarajevu završio je 2019. godine, sa prosječnom ocjenom 9,03. U akademskoj 2019/2020. godine upisao je na Odsjeku za historiju drugi ciklus studija na kojem je 28. 10. 2021. godine uspješno odbranio završni magistarski rad pod naslovom "Jugoslavija i građanski rat u Grčkoj prema pisanju lista Oslobođenje". Drugi ciklus studija historije završio je sa prosječnom ocjenom 9,17. Dobitnik je "Srebrene značke" Univerziteta u Sarajevu za uspjeh na prvom i drugom ciklusu studija. Kandidat je do sada objavio dva članka koji se odnose na savremenu historiju: "Ratovi devedesetih u udžbenicima historije u Bosni i Hercegovini", u: "Ratovi devedesetih u regionalnim historiografijama – kontroverze, interpretacije, naslijeđe". Zbornik radova UMHS, Sarajevo 2021. i rad "Udžbenici i revizionizam o Drugom svjetskom ratu: Pred izazovima revizionističkih historiografija – regionalni kontekst". Zbornik radova UMHS, Sarajevo 2020. godine. Kandidat je učestvovao u sljedećim projektima: „Projekat Talking Borders – From local expertise to global exchange“, koji je održan od 10. do 14. jula 2018. godine u sklopu „Association for Bordeland Studies 2nd World Conference in Vienna“. Projekat je organiziran povodom stogodišnjice raspada Austro-Ugarske. Kandidat je bio učesnik ljetne škole u okviru projekta „Ko je prvi počeo? Istoričari protiv revizionizma“, gdje se bavio pitanjem na koji način je Drugi svjetski rat predstavljen u školskim udžbenicima historije u različitim državnim i vremenskim okvirima. Kandidat Nedim Pustaija govori aktivno turski i engleski jezik. Komisija je utvrdila da Kandidat ispunjava sve formalne uslove predviđene Konkursom za prijem u zvanje viši stručni saradnik za oblast moderne historije.

Prijedlog s obrazloženjem

U pripremi prijedloga za izbor višeg stručnog saradnika za oblast moderne historije Komisija se rukovodila odredbama Zakona o naučnoistraživačkoj djelatnosti i Statuta Univerziteta u Sarajevu, te je uzela u obzir sve relevantne podatke o kandidatima rukovodeći se sljedećim kriterijima:

1. Ispunjavanje formalnih uslova predviđenih zakonima
2. Uspjeh tokom studija
3. Pokazane naučno istraživačke sposobnosti u oblasti za koju se vrši izbor u zvanje

Prema navedenim kriterijima komisija konstatuje da je razlika u uspjehu tokom studija izuzetno mala tako da Fadil Hadžiabdić ima prosjek ocjena na prvom ciklusu 9,22, a na drugom ciklusu 9,54, dok Mehmed Hodžić ima prosjek ocjena na prvom ciklusu 9,19, a na drugom ciklusu 9,38. Dalje slijedi Nedim Pastabija koji ima prosjek ocjena na prvom ciklusu 9,03, a na drugom ciklusu 9,17. Mnogo manji prosjek ocjena ima kandidat Omer Merzić, na prvom ciklusu 8,17, a na drugom ciklusu 62% (60 do 70 % ekvivalent 8-9). S obzirom na navedeno sljedeći kriterij, Pokazane naučno istraživačke sposobnosti u oblasti za koju se vrši izbor u zvanje, bio je ključan za odabir kandidata. Naime između dva kandidata sa najvišim prosjekom kandidat Mehmed Hodžić se apsolutno izdvaja po kriteriju Pokazane naučno istraživačke sposobnosti u oblasti za koju se vrši izbor u zvanje s obzirom na to da je u dosadašnjem radu objavio i knjigu u koautorstvu, 3 naučna rada koja su objavljena u relevantnim naučnim časopisima i šest prikaza, sve iz oblasti za koju se vrši izbor u zvanje. Fadil Hadžiabdić je objavio jedan stručni rad u izdanju studentskih udruženja iz oblasti za koju se vrši izbor u zvanje. Ostali kandidati koji imaju i manji prosjek ocjena na oba studijska ciklusa od kandidata Mehmeda Hodžića također imaju i manje objavljenih naučnih radova iz oblasti za koju se vrši izbor u zvanje.

Na osnovu analize i ocjene prijave kandidata, komisija je utvrdila da se Mehmed Hodžić, MA, koji je proveo uspješno 4 godine u zvanju stručnog saradnika te stekao zakonske uslove za napredovanje u više istraživačko zvanje, pored ispunjavanja formalnih uslova predviđenih zakonom ističe u odnosu na druge kandidate. Gledajući u cjelini smatramo da je on pored visokog prosjeka ostvarenog tokom prvog i drugog ciklusa studiranja u svom dosadašnjem naučnom radu osvario značajne naučne rezultate koji ga izdvajaju od ostalih kandidata. Njegov interes je usmjeren na razmatranje važnih pitanja u modernoj bosanskohercegovačkoj historiji. Radovi koje je napisao kandidat Hodžić su uglavnom pisani na izvornoj arhivskoj građi i relevantnoj literaturi, te objavljeni u relevantnim naučnim časopisima. Pokazao je veliku sposobnost u obradi kompleksnih tema iz historije Bosne i Hercegovine, stručnoj interpretaciji izvorne građe i literature i u donošenju zaključaka zasnovanih

na provjerenim činjenicama. Posebno ističemo da je Hodžić imao visok prosjek ocjena na prvom i drugom ciklusu te da je jedini kandidat sa objavljenom monografijom iz oblasti u kojoj se vrši zvanje (Moderna historija). Potrebno je naglasiti da kandidat Hodžić obavlja funkciju sekretara Historijskih traganja, časopisa Instituta za historiju, te da prema planu i programu Instituta za historiju njegov projekt koji je usvojen na Vijeću Instituta za historiju UNSA završava u avgustu 2023. godine.

Uzimajući u obzir navedeno te zakonske uslove za izbor u naučno-istraživačka zvanja na Univerzitetu u Sarajevu, Komisija konstatira da kandidat Mehmed Hodžić, MA, ispunjava uslove za izbor u zvanje **viši stručni saradnik za oblast moderne historije**.

U skladu s tim, Komisija sa zadovoljstvom predlaže Vijeću Instituta za historiju da usvoji izvještaj i da kandidat Mehmed Hodžić, MA, bude izabran u zvanje **viši stručni saradnik za oblast moderne historije**.

KOMISIJA

Z. Šehić

dr. Zijad Šehić, redovni profesor, predsjednik

Hana Younis

dr. Hana Younis, viši naučni saradnik Instituta za historiju, član

Sanja Gladanac-Petrović

dr. Sanja Gladanac-Petrović, naučni saradnik Instituta za historiju, član.

Sarajevo, 21. 03. 2022. godine